5 FEBBRAIO

FESTA DI S.AGATA, PATRONA DELLE DONNE

A Sant'Agata. Patrona di donn,
Ghe spiasarà minga se, per fag festa
Han lassà a ca i so fioeu e i so omm
A sbrigasela e a tegnig testa
Ai so mestée ch' han lassà indré.
E inn chi tucc a festegiàa
Intorna a on taol e a on bon disnà.
Oh! Mi go nient in contrari, per carità!
Me par fina giust che per 'na quai ora
Fastidi e magagn vaghen a la malora!
Del rest, la dona, disem la verità,
L'è 'na persona de rispetà.

Mi quand pensi 'na dona me vegn in ment
La mia pora mama coi so torment.
Vot mascett l'ha miss al mond
Tri in mort prest. Ma cinq i ha tiraa grand
E cinq l'è 'n numer putost rotond!
Riussì 'maginà sta pora dona cosa l'ha penàa?
Quand che pensi che per noeuv mes
L'ha m'ha portàa cont' el me pes
Tacaa 'l so coeur che cont'el me 'l bateva
Senza stracass matina e sera
Me senti dent 'na tenereza
Che, la fus chi, on basin ghe daria e 'na careza.

Me vegn poeu 'n ment on'altra Dona La Vergin Santa, la nostra Madona. Le l'è la Mama del bon Gesù, Ma semm tucc so fioeu insema con Lu.

Guai, donca, a chi dis mal dela dona: Ofendarisen la mia pora mama e la Madona!

Stée su alegher, me cari donn!
Portée pazienza coi voster omm
Che lor con vialter ne porten tanta!
Ma vorendos ben se viv e se campa
Se cascia via i fastidi e ogni pena
Spetando 'I dì che tucc insema
Quand che la storia la sarà finida
In Paradis farem... la movida!!!

(5 febbraio 2014 : saluto alle donne, da Don Arnaldo)